

nach, Beth-emec, Nihel, Abran, Rohob, Hamon, Cana, Sidon magna, Horma, Tyrus, Hosa, Acziba, Amma, & Aphec.

In Tribu Benjamin ex Iosue 18. vers. 21..... 28. sunt urbes viginti sex in partes five regiones duas distinctæ. In prima sunt duodecim, Iericho, Beth-agla, Vallis Casis, Beth-araba Samarain, Bethel, Avim, Aphara, Ophera, Vallis Emona, Ophin, Gabée; & in altera parte quatuordecim Gabaon, Rama, Berroth, Mesphe, Caphara, Amosa, Recem, Iarephel, Tharela, Sela, Eleph, Iebus quæ & Ierusalem, Gabaath, Cariath, quæ duæ partes simul junctæ urbes viginti sex demonstrant.

In Tribu Dan, non certus datur urbium numerus, quæ tamen ex Iosue 19. vers. 40..... 48. colligi possunt octodecim, aut novemdecim. Sara, Esthaol, Hir-femes, . i. Civitas Solis, Selebin, Ajalon, Iethela, Elon, Themna, Acron, El-thece, Gebbethon, Baalath, Iud, Bane, Barach, Geth-remmon, Mejarcon, Arecon, & Ioppe.

In Tribu Ephraim etiam nullus datur urbium numerus. ex Iosue 16. toto capite aliquæ colligi possunt, non omnes, Bethel-luza alias Beth-el-luz, Archi-Atharoth, Iephleti, Beth-oron inferior, Gazer, Ataroth-Addar, Beth-oron superior, Mach-methath, Thannath-selo, Ianoë, Ataroth, Naaratha, & Taphua, ut plurimum inter urbes censeripotest: forteque ex iis aliqua sunt locorum in finibus five terminis hujus Tribus tantum nomina, non urbes; quas omnes proculdubio in hac Tribu non recensuit Iosue.

In Tribu Gad trans Iordanem aliquas etiam recensuit urbes Iosue 13. vers. 24..... 28. non omnes. Inter eas meminit Iaser, & omnium civitatum Galaad; & dimidiam partem Terræ filiorum Ammon, usque ad Aroër, quæ est contra Rabba: & ab Hesebon usque Ramoth, Maspha & Betonim: & à Manaim usque ad terminos Dabir: in valle quoque Beth-aran, & Beth-nemra, & Socoth, & Saphon; & reliquæ partis regni Sehon regis Hesebon: & hujus finis (inquit) Iordanis est usque ad extremam partem Maris Cenereth. Sed Urbium, quæ in omni Galaad, & quæ in dimidia parte Terræ filiorum Ammon, & in aliqua parte regni Sehon regis Hesebon nullus datur numerus.

In Tribu Isachar urbes sunt sexdecim ex Iosue 19. vers. 17..... 23. quæ omnes exactissime describuntur: nullo immixto finium aut limitum nomine. Eæ sunt Iezraël, Cafaloth, Sunem, Hapharaim, Seon, Anaharath, Rabbeth, Cesion, Abes, Rameth, Engannim, Enhadda, Bethphefes, Thabor, Sehesima, & Beth-fames, quæ omnes ad numerum sexdecim conveniunt.

Tribus Iuda omnium Tribuum maxima, utpote Regia, & ex qua nasciturus esset Christus. Ea etiam à Iosue exactissime describitur toto capite 15. In quo demonstratur hæc Tribus divisa fuisse in minores undecim Partes: in quibus singulis nunc plures, nunc pauciores describuntur urbes: & in universum centum & quindecim: quem numerum aliæ tres, aut

quatuor, forteque & quinque majores Tribus simul assumptæ vix adæquare possunt.

In prima parte Tribus Iuda, Iosue computat urbes viginti novem, easque recenset à vers. 21. ad 32. Cabteel, Eder-jagur, Cina, Dimona, Adada, Cades-Afor, Iethnamziph, Telem, Baloth-asor five Asor nova, Carioth-Hesron, hæc & Afor, Amamfama, Molada, Afer-gadda, Hassemon, Beth-phelet, Hafer-fual, Bersabée quæ & Basiothia, Baala, Iim-Esem, El-tholad, Cesil, Harma, Siceleg, Medemena, Sennenna, Lebaoth, Selim, Aen & Remon.

In secunda parte urbes quatuordecim computat Iosue vers. 33. 36. quæ Esthaol, Sarea, Asena, Zanoë, Engannim, Taphua, Enaim, Ierimoth, Adullam Socho Azeca, Saraim, Adithaim, Geder, & Gederthaim.

In parte tertia sexdecim enumerantur vers. 37..... 41. quæ Sanan, Hadassa, Magdalgad, Delean, Masepha, Iechtel, Lachis, Bascath, Eglon, Chebbon, Leheman, Cethlis, Gideroth, Beth-Dagon, Naama, & Maceda.

In quarta parte sunt novem vs. 42. 43. 44. Labana, Ether, Asan, Iephtha, Esna, Nesib, Ceila, Achsib, & Maresa.

Pars quinta Tribus Iudæ totam videtur obtinuisse Philistinorum regionem, quamquam ex Satrapiis quinque Philistinorum tres tantum enumeret Iosue vers. 45. 46. 47. Accaron, Azotum, & Gazam. Ascalon etenim media est inter Gazam, & Azotum, & ipsa quarta ex Satrapiis Philistinorum; Geth etiam has inter Satrapias quinta, nulla describitur in duodecim Tribuum sortibus nisi eadem sit quæ & Geth-remmon in Tribu Dan, ubi est & Accaron, sed quæ ex Tribu Iuda excerptæ in Tribum Dan post translata sunt.

Pars sexta undecim continet urbes, quæ sunt vers. 48. 49. 50. 51. Samir, Iether, Socoth, Danna, Cariath-senna hæc est Dabir, Anab, Isthemmo, Anim, Gosen, Olon, & Gilo.

Pars septima novem, quæ vers. 52. 53. 54. Anab, Ruma, Esan, Ianum, Beth-Taphua, Aphera Athmatha, Cariath-Arbe, hæc est Hebron, & Sior.

Pars octava decem vers. 55. 56. 57. Maon, Carmel, Ziph, Iota, Iezraël, Iucadam, Zanoë, Accain, Gabaa, & Thamna.

In nona parte sex sunt urbes vers. 58. 59. Halhul, Bessur, Gedor, Mareth, Bethanoth, & El-thecon.

In decima duæ tantum vers. 60. Canath-Baal, hæc est Cariath-iarim. i. urbs sylvarum & Arebba.

In undecima sex Beth-araba, Meddin, Sach-acha, Nebfan, Civitas Solis, & Engaddi.

Quæ in universum sunt centum & quindecim.

Tribus Manasse in duas divisa est partes omnino à se invicem disjunctas: quarum una, & quæ trans Iordanem, ea à torrente Ieboc ad montem Libanum; & à Iordane, & stagno Cenereth ad montes Hermon, & Samir,